

tens. Onontakta ne Tiohtiake wasakotinakton ahotinataientake; etho nonwa tkanonsote kanonsowanen, ratinonsa ne MM. du Séminaire, tsinonni ionteriwaiensakwa ne ratitsihenstatsi rontonsere.—Teioserashen tho ratiterontakwe nonkwe onwe.

Tsini kahawi 1696, sotsi eso rati nonkwe onwe Onontakta, nok kennihononwentsiaa. Wathontekhasi kati, rononhaa thonnennontonhon ne sakotirihonnienni, etho ni tiawenon 200 nionkwetake Onontakta shonatenron, nok 200 nihati isi naonontati, atsiakta ne thoreke nitiotehionhinon (Sault-au-Récollet), wahonnakerate.

Tsini kahawi 1704, wathontekhasi nene tekanatake ne oia nihatiwennotenhne tsini hatiwennotens ne Iroquois, aseken tehonatiestanion oni Ratirontaks nok Nipissing nahatitototen. Tsi nonwa ni tkanataien St. Anne, wahonnakerate ne Ratirontaks, nok ostonha senha ehneken kawehpoke. Oriteke konwaiats iehonatiien ne Nipissing.—Onontakta Tiohtiake nok Isinaonontati, rononhaa shonatenron nene Iroquois.—Onen kati tsini kahawi 1721, are skanatat ok tsiotonhon tsini hati sakonatsteristakwe onkwe onwe ne MM. du Séminaire, nok ethone thotinatison KANESATAKE.